

D. D. & A!
DISSERTATIO ACADEMICA,
COGITATIONES QUAS DAM
DE
AUTODIDACTIS,
EXHIBENS;
QUAM

Conf. Amplisj. Facult. Philos. in Reg. Acad. Aboënsi
PRÆSIDE
Mag. HENRICO GABRIELE
PORTHAN,
Eloq. Professore Reg. & Ord. Eqv. Ord. R de Stella Polari,
R. Acad. Litt. Human. Hist. & Antiquitt. R. Socie. Sc.
Upsal. &c. Socio,
Pro Gradu Philosophico
Publicæ bonorum censuræ submitit
CAROLUS GUSTAVUS LUNDENIUS,
Stip. Reg. Borea-Fenno.
In Audit. Majori die 13 Martii MDCCCI,
H. A. M. C.

ABOË, typis Frenckellianis.

VIRO
ADMODUM REVERENDO atque PRÆCLARISSIMO,
DOMINO MAGISTRO
CASP. CASPARI WIKMAN,
DUCI SUDERMANNIÆ ANTEHAC A SACRIS,
PRÆPOSITO ATQUE PASTORI
ECCLESiarum Quæ Deo in Paroecia ALANDIÆ FINSTRÖM
COLLIGUNTUR MERITISSIMO,

FAUTORI PROPENSISSIMO,
*D*isertationem hancce, ob benevolentiam tam in se, quam
in Parentes Carissimos præstitam, non in remuneratio-
nem, (cujus locum occupare nequit), sed in pignus ani-
mi gratissimi, cum voto omnigenæ felicitatis consecrare
voluit, debuit
NOMINIS SUI

Cultor humillimus
CAROLUS, GUSTAVUS LUNDENIUS.



COGITATIONES DE AUTODIDACTIS.

§. I.

De argumento cogitantibus, quo exponendo specimen aliquod navatæ literis industriæ ederemus; disserimen illud sese nobis contemplandum obtulit, quod in eruditionis æstimanda facultate laudeque promerenda ex ipsius viæ qua ad illam homines contenderunt, diversitate oritur, alias facilitioris, alias molestioris. Quas inter vias, notabili in primis distare intervallo eorum ratio videtur, qui aliorum ductu atque auxilio a teneris usi, sapere & locupletem sibi colligere rerum cognitionem didicrunt; & illorum inopia atque aspera ad sapientiam semita, qui illa opportunitate faventiorisque ope fortunæ destituti, suo fere marte, nec nisi ardore quodam discendi impulsi incredibili, obstacula quævis per rumpere atque ad familiaritatatem cum literis pervenire potuerunt. Ut illi, quorum maximus est nu-

A

me-

merus, via progrediventur ampla atque commoda, de hac fortuna sua sibi gratulandi causam habentes justissimam; ita multi eorum ex Magistrorum suorum laude gloriam aucupantes, horum placitis ita sensim adsuescunt, ut ab iis discedere non modo ipsi nefas ducant, sed neque aliis de veritate illorum dubitare permittant: sectariam sic cogitandi rationem amplectentes. Qui contra, suis auspiciis suæque tantum diligentiae ope ad literarum sacraria penetrarunt, *Autodidacti* (a) hinc vulgo dicti, ii, suo magis judicio nixi, sibique multum, non omnino sine causa, tribuentes, liberius fere philosophantur, nec raro novas aperiunt vias. De hoc igitur minus vulgari doctorum genere, quidque de illo tenendum sit, quibus illa ratio vel commodis commendetur vel incommodis prematur, pauca disputare animo consti-tuimus: sperantes fore, ut juveniles conatus L. B. solita, qua hujusmodi tirocinia excipi solent, indulgentia atque benignitate, indignos non sit judicaturus.

§ II.

Vocabulum autem illud *Αὐτοδίδαχτος* non uno semper aut æque late patenti sumi solet sensu. Ut enim alias quasdam, minus probandas, ejusdem præ-

ter

a) *A se ipso* (non ab alio quoconque) *docti*.

termittamus significaciones (*b*); interdum severissimo sensu de hominibus adhibetur, qui solo suo adjuti ingenio, diligentia atque meditatione, suopte tantum marte omnem suam sibi compararunt doctrinam, nulla omnino aliorum, sive viva sive ex libris percepta, usi institutione: qualem se esse cantor ille (*Phemius*) apud *Homerum* gloriatur (*c*). Talia vero

A 2

ex-

b) Quales e. gr. proponit WALCHIUS in *Lexico Philoſ* (ubi parum quidem diligenter de toto hoc argumento disputatur), voce *Autodidaꝝ*, qua significari ab una parte hominem autumat, *qui sine ullo suo labore & studio* (adeoque per supernaturalem quandam *babitum*, ut loquuntur, *infusum*) *dexteritatem quandam adeptus sit*, quoque locum etiam *HOMERI* mox adferendum, scholiaſtarum quorundam veterum ſecutus rationem, trahit; ab altera autem parte quemcunque, *qui acceptæ ab aliis doctrinæ quidquam* (vel tantillum?) *addit ipse*, sive experiendo sive meditando a ſe repertum: quo pacto quisque hominis eruditus dignus nomine, *Autodidaꝝ* ſimul (miro fane consilio) erit salutandus!

c) *Αὐτοδίδαꝝος δ' ἐιμι: Θεος δε μοι ἐν φρεσιν δημας παιδίοις ενεφυσεν.* *Odysſ. L. XXII. v. 347 sq.* Vetus Scholiaſtes *Autodidaꝝον* hoc loco recte interpretatur *ex φυσεος δέδαγμενος*, (naturæ tantum *vi atque ingenii facultate con-nata doctus*); quam naturalem facultatem, (quaे uolum tamen atque exercitationem non excludebat) notum est veteres, ut omnia dona naturæ eximia & phænomena quæcunque insolita aut admodum insignia

exempla per pauca fuerunt, aut omnino esse possunt; neque fere ultra prima doctrinæ elementa, aut conatus, quales initio natarum facti sunt literarum, valde imperfectos, progredi hoc genus facile potest (*d*), non nisi necessitate ipsa & penuria opportunitatis viam calcandi commodiorem, excusandum. Cæterum non nisi ope longæ ac multiplicis experientiæ, conjunctæque plurium seculorum industriae, thesaurus crevit cognitionis humanæ, posterioribus aliquid semper penori addentibus, priorum conatibus comparato, ac facultate hinc ingenii.

vi cuidam Divinæ immediatæ attribuisse, cujusque veteris persuasionis (matrem superstitionis recte voces) vestigia in linguis manerunt, postquam persuasio ipsa ex mentibus hominum cultiorum, jam diu evolayerat.

d) Finxit talem, sed ingenio & mentis ejus viribus nimis tribuit, celebris Philosophus Arabs AABU JAAFAR IBN THOPHAIL, in Fabula nota de *Hai Eben Yockdan*, sine hominis ullius auxilio adulto, & sola sua meditatione ad summa philosophiæ mysteria adscendenti. De quo cfr. BRUCKERI Hist. Critica Philosophiæ T. III. p. 172 sqq. Credas eum aniam arripuisse hujus Fabulæ contexendæ ex loco Aristotelis hodie desperito, cujus nobis cognitionem conservavit CICERO De Nat. Deor. L. II C. 37. Imitati deinde sunt varie Arabem alii, vestigia ejus magis minusve diligenter, variaque fortuna, prementes, recentioris etiam ætatis eruditæ.

niis exhibita felicibus, in iisdem semper non haerendi vestigiis, sed longius longiusque, novas subinde vias tentando, progrediendi. Atque ut arrogans nimis temerariumque, quin stultum omnino eset consilium, si quis aliorum omni spreto auxilio, suis solis fretus viribus, immensa doctrinæ spatia emetri vellet; ita neque successurum illi eset, neque etiam, in circumfulgente undique literarum luce contingere facile posset, ut nulli inde ad eum radii, quam primum ad animi vires excolendas fese conferret, penetrare valerent. De hujusmodi igitur *Autodidactis*, strictissimo sensu sic dictis, non est, ut plura disputemus.

§. III.

Communissime autem *Autodidactorum* illi quoque salutari solent nomine, qui post factos primos pueriles in eruditionis via gressus, deinde sine viva cujusdam institutione, (solito certe ordine modoque, & ex instituto iis impertita), nulloque sic proprius usi magistro, sed ex libris tamen, fortuna sibi oblatis, rerum cognitionem insignem saepe atque locupletem compararunt (e). Cujus generis exempla, non pau-

A 3

ca,

e) De his *Autodidactis* non injuria pronuntiat SCHMEITZEL (*Verfuch zu einer Gesch. der Gelehrheit* p. 194 not. 18);

"Sie müssen nur secundum quid also genannt werden,
"weil sie ja die erste institution genossen, und so dann

ca, omni ævo reperta sunt. Eorum alii maturius, alii serius occasionem invenerunt literis litandi; alii nonnullam, tenuem licet, neque constantem neque apto semper ordine exhibitam, alii nullam omnino doctiorum opem experti postea sunt. De hujusmodi in primis Autodidactis in sequentibus sermo nobis erit. Addunt tertium denique genus, eorum, qui licet plerasque literas, modo ordineque solenni Magistrorum primum opera sibi traditas arripuiscent, certam tamen aliquam artem, aut certum genus litterarum, suo marte, nulloque usi doctore penui eruditiois suæ deinde ipsi addiderunt: cujusmodi multa recenseri solent exempla (f). Habent hi cum pro-

"aus lesung guter (?) Bücher, mithin aus der information
"todter Lehrer, sich geholfen haben.

(f) Talia pleraque sunt, quæ vulgo celebrari solent autodidactorum exempla. MORHOJVS (*Polyhistor*. T. I. L. I. C. I. § 14 p. 5 sqq.) "E recentioribus, inquit *Cujacio* in Jurisprudentia, *Budæo* in humanioribus litteris, *Mureto* in arte oratoria, at quibus viris! summam sine præceptoris opera perfectionem obtigisse, referente in dissertatione *de studio literali* GABRIELE NAUDTO, miraculo proprius est --- *Guilielmum* quoque *Postellum* in linguarum pene omnium cognitio-ne, *Petrum Ramum* in Philosophiæ studiis, sine Magistri adjumento rem omnem confecisse, accepimus." Addit his REIMMAN (*Hist. Liter.* T. IV. p. 411. not 5) *Is. Casaubonum*, *Gasp. Scioppium*, *Guil. Schikardum* &c. quorum numerus haud paucis auge-

proxime superiori genere illud saepe commune, quod de trito vulgarique haud raro decedentes tramite suas sibi ipsi vias aperiunt, suo indulgent ingenio, suasque sive magis sive minus commodas sequuntur rationes. Eo autem differunt, quod cum a pueritia ab aliis dederunt ideas suas inter se connectere, solennemque discendi & sapiendi ordinem adhibere, hunc eundem morem neque in literis persequendis sibi hactenus peregrinis, facile deferunt.

§ IV.

De tota porro hac ratione in literarum, saltim quarundam, familiaritatem sine Magistri ope vendendi, quid censendum sit, cum quæritur; per se patet, primo, (quod supra jam monuimus) illos habere justam, quicunque consilii sui successus fuerit, excusationem, qui opportunitate destituti ex aliorum proficiendi institutione, inexstinguibili discendi cupiditate, ad illam amplectendam rationem sunt compulsi: ut illorum contra temeritas atque stultitia defendi nullo pacto potest, qui viam faciliorem probatioremque spernentes, per saxa fentesque iter instituere longum, pericolosum, moleustum atque incertum

rii possit nominibus celeribus: quosque inter vel *Blasium Pascalum* in Geometria nominasse sufficiat: (Cfr. STOLLE *Introdr. in Hist. Liter.* P. III. C. I. §. 51. not 3. p. 737.).

tum malunt (g). Quis enim non videt, eum, qui viva aliorum institutione destitutus, proprio marte immensam eruditionis campum peragrandum suscipit, non facile nisi postquam ad adultorem pervenit ætatem, capere hoc consilium posse, adeoque multum temporis (pueritiae fere ac haud paucos saepe adolescentiae annos, in linguarum studio adjuvando maximi in primis momenti) perdidisse? (h).

Vi-

g) Non incommode FABRICIUS (*Joh. Andr.*) *abriß einer allgemeinen Historie der Gelehrsamkeit*. T. I: p 40:
 "Ohne unterricht anderer gelehrt werden, und also
 "ein autodidactus seyn wollen, ist theils unmög-
 "lich, theils beschwerlich und weitläufig, theils ge-
 "fährlich und ungewiss, folglich nicht zu rathen, wenn
 "gleich der eigne fleiß unstreitig allenthalben das
 "beste thun muss." Concinit SCHMEITZEL l. c. q. 194,
 qui ab automathismi studio homines dehortans, has
 consilii sui affert rationes: "Weil 1. es leichter auf ei-
 "nem albereit gebahnten wege zu gehen, als den weg
 "erst selbst zu bahnen — 2 Gar viele zeit, gute ge-
 "legenheit und extraordinairen fleiß von demjenigen
 "erfordert werde, der sich selbst helffen wolle. —
 "3 Auch die kräffte eines menschen es nicht zulas-
 "sen, dasjenige allein zu præstiren, wozu ja vieler
 "beyhülfe concurriten muss." &c. Nempe quod ve-
 teri dicitur proverbio: *plus vident oculi, quam oculus*,
 illud de literariis quoque conatibus recte urgetur.

b) Unde STOLLIUS (l. c. P. I. § 5. p. 5.) pronuntiat:
 "Imo totus ego in hac sum hæresi, ad majus eos

Vires interim mentis ipsæ, incultu tarditatem quan-
 dam atque quasi rigiditatem facile contrahunt, adeo
 ut multo deinde majori molestia atque labore eas
 excolere opus sit. Quam multos deinde gresus fru-
 straneos alienosque facere, necesse est eum, qui si-
 ne duce viam ingreditur ignotam! Quam saepe in
 tramites abducetur fallaces! Ordinem ipsum lite-
 rarum discendarum commodissimum raro sequetur.
 Libros neque eligere sciet præstantissimos, neque
 eosdem ordine aptissimo, sed plerumque ut quem-
 que fors obtulerit, perlegere, neque judicio adhi-
 bito debito, aut diffidentia, qua decet contra erro-
 res eorum munitus, examinare valebit. Hinc illa
 nascuntur vitia, quæ autodidactis vulgo objici, licet
 non æque semper juste, solent: lucidæ, concinnæ
 atque methodicæ doctrinæ, solidorumque ejus fun-
 damentorum defectus, paradoxarum atque singula-
 riū, nec raro erronearum opinionum amor &c.
(i): in quos primum inciderunt libros, eorum eos

B

sæ-

“excellentiusque eruditionis fastigium evectos fuisse,
 “si neque librorum neque præceptorum usum neg-
 “lexissent.“ Quod futurum utique fuisse, si æque ma-
 gnam tamen adhibuisserent industriam, valde utique
 verisimile est. Si itaque ex neglectu facilitioris ratio-
 nis, ac *citra necessitatem*, longiorem ac difficiliorem
 viam ingressi sunt, merito reprehendi merentur.

i) MORHOF. l.c. § 15. “Hærere tamen plerumque illis
 “autodidactis solet, in philosophicis præcipue (?), ina-

fæpe doctrinam, ut magistrorum suorum decreta dūscipuli solent, nimia veneratione amplecti & mordicus defendere; ac quod non amplius satis oculis suis subjici plerumque soleat campus, inde rei cuiusque non nisi partem aliquam, unamque quasi faciem, spectare, atqve hinc judicia eorum fieri manca & iusto angustiora, simul vero animos ad pertinaciam & obstinationem evadere proniores; unde neque mirandum est, si multi eorum in Fanaticorum castra transierint (k).

§. V.

Neque tamen exiguae haud pauci Autodidactii laudes (præter illam quæ ex victa difficultate iis debet-

“nis persuasio: dum veterum dogmata non satis as-
“fecuti, κυριας δόξας, pro Junone nubem amplectun-
“tur.” Cfr. SCHMEITZEL l. c. Nempe multa nova temere
putat atque a se demum inventa, is quem latet quid
alii jam antea in medium attulerint. Ac multo la-
bore ipse indagans, quæ ab aliis jam diu in medi-
um adducta in promptu habentur, non modo tempo-
ris jacturam frustra facit, sed & ad opinionem nimis
magnificam de ingenii sui doctrinæque præstantia
concipiendam, nec non ad pretium inventis suis im-
modicum statuendum, facile impellitur.

k) Cujus generis notissima sunt exempla Raymundi Lulii, Jacobi Böhmii &c Cfr. BRUCKER l. c. T. IV. p.
l p. 9. sqq & p. 695 sqq;

betur, admirationem) promeruerunt, quarum quasdam ipsi huic suæ literas discendi rationi acceptas præcipue debuerunt. Ut enim non sine insignis atque insolitæ ope diligentiae, nec nisi ardore vehementi literarum discendarum inflammati, difficultates atque obstacula primum sibi objecta vincere atque perrumpere valuerunt; ita hoc eodem pertinaci impulsu studio, non posunt non, siquidem ingenio valent felici (1), postea quoque progressus in artibus, quibus se dicarunt, facere egregios. Deinde cum alii, parentum aut tutorum coeco saepe consilio aut adeo cupiditati obsecuti, ad studia sese haud raro conserunt, nec ingenio viribusque nec propensioni suæ convenientia, in quibus igitur urgendis successu gaudere non possunt prospero lætoque; hi non aliam facile viam ingrediuntur, quam illam quæ ab ipsa iis natura indicatur, et in qua igitur feliciter illis progredi licet. Ac cum certo nullo utantur duce, cuius a puero revereri auctoritatem vel cogantur, vel admiratione atque pietate allecti discant; suas ipsi sollicite vires excutere, suo niti judicio, attentionemque diligentem adhibere consvescunt. Libri namque, qui sibi offeruntur, raro eandem omnes rationem commendant

B 2

aut

1) Quo, cum non omnes tam faventi gaudeant, ut impedimentis omnibus, quæ viam sibi obstruunt, viciis, longum, quod sibi permetiendum offertur iter tempestive confidere valeant; saepe in vestibulo consistere literarum coguntur, ad adyta earum penetrare nesci.

aut sententiam tuentur; unde aserta eorum conferre & expendere, atque hinc dubitare & ratiocinari discunt, quoque saepe sensui audacter indulgere. Quo more multa præjudicia evitant, quibus alias dissentium animi mature irretiuntur. Vivæ enim institutionis ut multa maximaque sunt commoda, ita hoc ei fere adhæret vitii, ut ad doctorum amplectenda placita, licet non firmisimis semper rationibus munita, auditores faciat proniores (m). Vox, vul-

(m) Recte quidem monent homines sapientes, in prima pueritia, ubi nondum valent dilecentes res ipsi dijudicare, necesse esse, ut multa obsequiose amplectantur doctorum fidentes auctoritati, experientiæ ac sapientiæ, adeo ut credere prius quam *judicare* debent: unde nec bene consulunt tironibus, qui præmature eos nimis suo fidere judicio, proprio martyre in campo scientiarum progredi, dubiisque sese angere inutilibus docent. Sed neque tamen coeca fidem nimis diu doctorum suorum oraculis venerandis adfluecant, verum ad intelligendum, judicandum & examinandum simul sensim adducantur, melioribusque cedere rationibus, non pervicaciter Magistrorum adhædere placitis, doceantur. Bene VERULAMIUS: "Etsi "non displiceat, inquit, regula, oportet *discentem credere*, huic tamen conjungendum est: oportet jam e- "doctum *judicio suo uti*. Discipuli enim debent ma- "gistris temporariam solum fidem præstare, judiciique "suspensionem, donec penitus imbibent artes, non "autem plenam libertatis ejurationem perpetuamque "ingenii servitutem." *De Augm. Scientiar.*, L. I. §. 35.

vultus, doctoris fama atque auctoritas, ipsa auditum, ab ore ejus pendentium multitudo, docilitas & fides, ad oracula sua mentibus inculcanda vehementer conferunt (*n*). A qua tanquam con-

B 3

ta-

- 7) Quæ alia causa variarum Scholarum Sectarumque cœcum frequentius peperit studium, favorem & pervicaciam? tot hominum, diversi ingenii & motuum, ad unam constantemque quasi formulam judicia redigit? opinionum vehementes eos fecit præcones & patronos, quarum ipsi saepè mentem haudquaquam caperent? Ex libris hausta doctrina tantam minime ad animos præoccupandos vim exercet, neque facile hī aut tam celeriter novas diffundunt sententias, aut tam acres earum gignunt ebuccinatores ac propugnatores. Qui igitur morem non ignorat, quo in Germaniæ Academiis literæ adolescentibus, per vivæ inprimis institutionis diligentiam, instillantur, ei mirum non videbitur, vel novarum ibi sectarum successus maxime solere promtos esse, vel earum quasi temporaria imperia late adeo extendi, & universalem quandam monarchiam exercere; donec recentior aliqua exsurgens doctrina, a viro celebri commendata, qui auditorum floret multitudine, priorem trudat? Vel Historia hoc satis illustrat Philosophiæ Cartesianæ, Wolfianæ & Kantianæ (cujus aliæ atque aliae sibi subinde succedentes familiae, post brevem satis dominationem, industria & unicæ veritatis palmam nupertime sibi quasi ordine eripuerunt), alias sine dubio illæ quoque mox habituæ brevis sui imperii hæredes, non minori illas impetu commendandas, atque externo saltim habitu semper novas! Ac has, (more fere, quo seminarum ornamenta

tagione, adeoque multorum vi præjudiciorum, autodidactorum animi magis liberi atque immunes conservantur.

§ VI.

Longius opus, quam harum pagellarum angustia patitur, esset nobis pertexendum, si vel præcipua Autodidactorum, (qui hoc nomen, laxiori quidem sumtum significatione, meriti sunt) exempla recen-

solent) subinde mutatas, obsequiose adoptare Philosophiæ formulas, nobis, septentrionis incolis, plerumque solenne est! Quales Scholarum novarum, per vices universale quasi per totam nationem dominium exercentium, impetus atque celeres frequentesque successiones, neque in Gallia neque in Anglia obveniunt; ubi nempe Doctoribus non æque facilis via patet placita sua viva voce late propagandi. De patria igitur sua maxime valet, quod vir doctus queritur: "Die erfahrung aller zeiten und auch die erfahrung unserer zeit lehrt es, dass die philosophischen Schullen gleich neuen Moden mit einander wechseln, und die anhänger der neuesten Mode sich wundern, wie sie der vorigen ihren beyfall geben konnten, bis die neue Mode wieder alt, und eben so wie die vorigen, mit einer neuen vertauscht wird." ECKERMAN *Theol. Beyträge* V. B. Vorrede. Cumque doctorum academicorum ibidem multis nominibus maxime intersit, *applausum* quem vocant *juventutis Studiosæ* sibi comparare; haud raro videoas, qui clamatorum voce, ut gurgite fluminis, abrepti, veras

censere institueremus (o). In practicis in primis artibus, in Mechanica, Poësi &c. quos natura proclivitate atque ingenio ad has artes colendas præcipue instruxit, ii eadem quasi impellente, etiam ubi ab exteris fortunæ subsidiis destituti sunt, ad metam tamen luctando perveniant. Sic nostrum POLHEMIUM (p), Anglorum BRINDLEYUM (q), sua mentis vis:

suas sententias aut premere aut in speciem mutare, dominantique sese conformare rationi cogantur! In Græcia olim, quamdiu doctores aderant, qui discipulorum circa se greges colligerent, plurium, valde quidem diversarum, scholarum placita enixe propagabantur; quæ deinde ex scriptis haurienda, viva doctorum deficiente voce, aut evanescabant, aut varie miscebantur.

- o) Reperti etiam sunt, qui laudem fibi quandam indecentiri vellent, quod non modo ex viva aliorum institutione, sed neque ex lectione librorum quicquam profecissent, suo omnem suam eruditionem ingenio & meditationi deberi, venditantes. Quam vanitatem olim Epicuro &c. postea Cartesio, Job. Scaliger &c objectam fuisse, constat. Cfr. STOLLE l.c. p. 5.
- p) Vid. GE. GEZELIUS Biogr. Lexicon öfver namnk. Svenske Män, artic. Polhem, & unde sua ille hausit, SAM: KLINGENSTJERNA Åminn. Tal öfver Christophs Polhem.
- q) Jac. Brindley, cuius enarrat vitam (ex Biographia Britannica delumptam) J. PHILLIPS History of Inland Navigation London 1795, 4:o p. 89 fqq.

vīs ad opera Mechanica perficienda admirabilia perpu-
lit. Sic egregia carmina apud gentes quoque literis pa-
rum expolitas, sola natura duce condita fuisse, ad-
eo pervulgata est res, ut in proverbium abierit:
nasci Poëtas, non fieri. Ete. Sed neque exempla de-
sunt Autodidactorum, qui in aliis literis, nuperis
quoque temporibus, egregie versati sint; inter quos
vel *Johannem Henricum Lambert* (r) in Philosophi-
cis & Mathematicis, & *Valentinum Jamerai Duval* (f)
in re Numismaticā &c. nominasse sufficerit (t).
Etiam hodie viventium memorabilia in hoc genere
exempla Ephemerides Litterariæ exhibent (u). Ac
cum feminæ non soleant fere nisi vulgaribus litera-
rum

r) Cujus vitam & scripta cognoscere licet vel ex pau-
cis illis, quæ habet CAR. JOSEPH BOUGINÉ *Handbuch
der Allgem. Litteraturgeschichte* IV B. p. 396 sqq.

f) Vita sua præmissa est operibus suis (*Oeuvres de Va-
lentin Jamerai Duval*, à St. Petersburg (?) 1789, 8:o)
ab horum Editore; unde excerpta legi potest in *Chre-
stomathia* quam *Grammaticæ* suæ *Germanicæ* adjunxit
D:n STRIDSBERG (Stockh. 1790, 8:o) p. 44 sqq.

t) Morum simplicitas, multis liberata avocamentis, qui-
bus vitam suam reddi aliis gratiorem putantes cultiorum
gentium homines, eam nimis occupant & onerant,
plus otii ad literas enixe colendas hujusmodi autodi-
dactis comparare solet, eas in primis, quæ indefes-
sum poscunt laborem. Cujus rei non difficile fue-

rum elementis imbui (*v*), quæ earum ad altiorem eruditionis gradum (haud illæ paucissimæ) adscenderunt, eæ non raro autodidactis sunt annumerandæ, utpote quarum profectus singulari studio libris per-volvendis postmodum impenso, debeantur. Earum

C

ve-

rit & exempla et causas afferre. Contra non paucis hominibus hujus generis eruditis facilitas, nonnisi maturiori fere usu comparanda, et inde studium, scribendi defuit: quod ex. gr. de celebri illo philologo *C. W. Büttner*, nuper mortuo, observatum legimus. Vid. Jenæ prodeuntes Ephemerides Liter. (*Allgemeine Literatur Zeitung*) a. 1801, N:o 304. Eademque sine dubio causa fuit, cur neque noster *Norden-crantzius* ad multæ lectionis variæque doctrinæ copiam, stili facilis nitidique gratiam adjungere valeret.

- a) Sic in Ephemeridibus nuper laudatis Jenensibus (vid. *Intellig Blatt*, a. 1801, N:o 199 p. 1616) legitur: "In Paris lebt jetzt ein neuer (V. Jamerai) *Duval*, ein gewisser *Ducros*, der noch vor 3 Jahren als Hirtenjunge, ohne alle mündliche belehrung, bloß mit hülfe von Büchern zu studiren anfing. Auf diese nachricht kam ein ungenannter ins Collegium, liess sich mit *Ducros* in ein gespräch ein, und setzte ihm eine monathlich zahlbare pension von 1200 Livres jährlich aus." Atque in Ephemeridibus Stockh. (*Stockholms Posten*) a. 1801 N:o 265 narratio habetur de viro, cui nomen *Schildbach*, qui ex custode ferarum et bestiarum in *Zoophylalacio* (Menagerie) Casellano asservatarum, Historiæ Naturalis cultor assiduus atque

vero studia, ad literas humaniores, (Historiam (*w*),
Poesin (*x*), ac Fabulas in primis Milesias sive Ro-
manenses (*y*) fabricandas) potius, quam ad literas
severiores, ac maxime philosophiam, fuisse collata,
non

egregius, libris legendis suæque tantum industriae ope
factus, vita simplicitate *Duvallio* similis, suo se feliciter
ingenio permittit. Vivit etiam non longe a nostra vici-
nia *Rusticus Feno*, qui præter vernaculam suam,
nullam loqui aliam sciens linguam, mira tamen dili-
gentia, horis subsecivis, tantam sibi linguarum Sve-
cicæ, Germanicæ, atque etiam Latinæ, explicandarum
comparavit peritiam, ut librorum sibi oblitorum sen-
tentias Fennice exponere valeat, exigua admodum us-
fus ope aliena in Grammaticis & ratione Lexici con-
fusendi.

- v) Excipiendæ nempe ex hoc numero sunt, quæ a pri-
ma jam ætate literas ex instituto didicerunt, ut *Re-
gina* olim Sveciæ, eruditioñis fama celebratissima, *Chris-
tina*, *Olympia Fulvia Morata*, *Anna (Lefevre) Dacier*,
Laura Maria Catbarina Basfi, &c. quarum nomina
Historia Literaria cum laude exhibet.
- w) Quarum in numero eminent, (ut *Annam Comnenam*
sileamus,) et inter recentiores Gallorum *Keralio*, et
Anglorum *Catbarina (Macaulay) Graham*.
- x) Inter quas, ut celeberrimas Græciæ vates taceam
(quarum ex operibus, quæ super sunt fragmenta con-
junctim edidit *Jo. Christ. Wolfius*, Hamb. 1734 4:o,
qui idem alio volumine a. 1735 fragmenta operum
a mulieribus Græcis, quæ oratione prosa usæ sunt,
protectorum, ibidem publicavit, in 4:o) locum sibi

non est quod mitemur (a). Cujusmodi exemplis, nec nostram caruisfe patriam, fidem faciunt (ut nonnisi eas commemorem, quæ fato funetæ jam sunt) vel nomina *Sophiae Elisabethæ (Weber) Brenner*, & *Hedvigis Charl. Nordenflycht*, haud quoquam illa obseura (b). — *Autodidactorum* plurimos licet vel progressibus in literis, vel meritis in pomoeriiis cognitionis humanæ extendendis, maximis inclaruisse, (id quod nemini fano videri potest mirum) (c) contendi

ne-

haud paucæ vindicarunt recentioris ævi: Italæ, (*Magdal. Morelli Fernandez*, inter Arcades Rom. *Corilladicta*), Gallæ, (*Antoinette de la Garde, Dame des Houlières, Maria Anna du Bocage &c.*), Angleæ (*Eisab. Rowe, Maria Chandler &c.*), Germanæ (*Anna Lovisa Karfchin &c.*, præter plures, quæ adhuc in vivis sunt). Nostras alias supra laudavimus.

y) Præter *Magdal. Scuderî, Magdal. Angelicam (Poisson de Gomez, &c.* quæ Gallos talium Fabularum copia donarunt, nostra fere ætate apud Anglos maxime hoc genus, diligentia multarum etiam seminarum, adeo crevit, ut numerosissimam Bibliothecam (egregio scil. rei Literariæ lucro!) inde colligere liceat.

z) Sic *Catharina Cockburn & Maria Huber Philosophiam, Gabriela Æmilia de Breteuil, Marchionissa d'Chatelet Physicam*, non infeliciter tractarunt.

a) Inter feminas hasce, quas quasi fors quædam ad literas colendas plerumque impulit, quasdam in Fanaticorum incidisse laqueos, mirum videbitur nemini. Cujusmodi exempla nobis præbent Gallorum *Guyonia (Joh.*

nequeat; nihil tamen emolumenti hanc rationem virosque ei deditos literis attulisse, æquus rerum æstimator urgebit nemo, qui meminerit, res aliter atque alter spectatas, varias quasi facies subinde offerre, ad penitiorem earum comparandam cognitionem non inutiles, viasque ad veritatem investigandam tentatas varias, si non recta semper ad metam ducere, ad feliciorem tamen rationem inveniendam egregie haud raro prodesse, ad auctoritatis & præjudiciorum vim minuendam, inquisitionemque veri subinde instaurandam, ad partium studium securamque nimis hominum confidentiam concutiendam, ad monotoniam quasi quandam doctrinæ publicæ interrumpendam, conferre: quo intuitu ipsi errores, identidem suborientes, qui eruditis eosdem excutiendi & refutandi ansam atque quasi calcar præbent, literis minus plerumque nocent, quam torpor, incuria atque sopor, nimis altæ pacis haud raro comites.

banna Maria Bouviere de la Motte Guyon) & Bourignonia (Antonia) &c. Ac ne nostra quidem patria de immunitate ab hoc morbo gloriari posset, vel *Eva Frölich*, nobilitata loco, somniis suis superiori seculo effecit; ne quid dicam de quibusdam ævi pontificii Sanctis apud nos mulieribus (*S. Birgitta* cum filia sua &c.). Cæterum mulierum Eruditarum indicem (admodum mancum) ab HEUMANNO (*Consp. Reip. Literar. CVII §. 36. & 27.*) & qui librum ejus illustrare aggressus fuit BOUGINÉ l. c. T. V, p. 337 — 354 exhibutum, consulere licet.
